

6. Neihsa kepsiamna, Khaici Vawhna leh a Gah atna

a) Laisiangtho bulphuhte	Cor. 9:6-15	Luke 12:42-48	Luke 19:11-27
	John 12:24	Acts 20:35	Matt. 25:14-46
	1Cor. 4:1-2	Acts 4:32-35	

b) Neihsa Kepsiamna bang hiam?

Neihsa kempa pen midang khat ii vante a ki-ap pa hi. Zeisu nungzuite i hih mah bangin i neih khempeuh Pasion kiangpan hong pai a hihlam i phawk ding thupi hi (Acts 17:25). Pasion pen a neipa hi a, eite pen Ama neihsa kemte dinga hong kikoih ahi hi (Matt. 25:14). Tua hi a, na khempeuh ah Pasion vankemte ihih ding kisam hi. Hih pen i hamphatna leh i mawhpauk ahi hi. Banghang hiam cihleh Pasion in eite muanga hong piak sate koici kep i hiam cihtawh Pasion in hong saansak ding hi (Rom. 14:12; 1Cor. 4:2). Vankem hoih khat pen a citak ding leh a Topa tung-ah a ki-ap ding in kilam-en in (Luke 16:12) a Topa vante hoihtak in zeek ding hi. Hih pen vannei pa nate ah a tawntung a lunglut tak in tua neihsa kempa in a gamtat ding cihna hi (Matt. 25:14-30).

c) Neihsa kepsiamna-a thu nga-te

1. I sum le paite

(i) Sum le pai tawh kizopna-ah Pasion ngimnate

- Ama vangliatna lahkhatna ding leh eite hong itna leh hong kepna kipsakna (Matt. 6:32-34)
- Ama tanote thupha piakna ding
- A thukzaw kikepna kikhoh khopna sungah Christiane gawmkhop nading (2Cor. 18:14-15)
- Sum le pai kecingna leh kingah theih bawlana khat peuh tawh Pasion lamlahna leh makaihna kipsakna.
- A dim christian nuntakna sungah hong kihelsak nading. Piakkhatna leh ngahnate kikal a tuam vilvel kizopna i phawktheih mateng in Christian nuntakna muibun takin kinungta thei lo hi.

(ii) Banghang Piakhia ding?

- banghang hiam cihleh Laisiangtho in hong hilh (Mal. 3:7-12)
- banghang hiam cihleh Khazih in thu hong pia (Luke 6:38).
- banghang hiam cihleh Pasion it ihih manin piakkhatna pen Amah i itna lahkhatna khat hi (1Cor. 13:4).
- banghang hiam cihleh Zeisu gen bang dung zui-in ngahna sang piakkhatna ah thupha omzaw hi (Acts 20:35).
- banghang hiam cihleh i sum le paite omna ah i lungtang leh i veinat om hi (Matt. 6:19-21)
- banghang hiam cihleh metbawlana khatpeuh pen a tawntung hi ding hi (1Tim. 6:17-19).
- banghang hiam cihleh eite ading in Khazih mahmah hong kipumpiak hi (2Cor. 8:9).
- banghang hiam cihleh piakkhatna pen khalam hehpihna khat ahi hi (2Cor. 8:1-5).
- banghang hiam cihleh piakkhatna in Pasion piakna khakhia hi (Pro 11:24-25; Pro 19:17).

- banghang hiam cihleh i neih khempeuh pen Pasion hong piak cidamna leh thahatna tungtawn-a i ngahahi hi (Deut 8:17-18).
- banghang hiam cihleh Amahin khantohna hong tunsakna i muh nading in upna metbawlna tawh Ama nasep sungah Khaici bangin sum le paite i vawh ding Pasion in hong deih hi (2Cor. 9:6-13).
- banghang hiam cihleh Pasion in eite hong piaksa tawh kituak in suakta tak in pia nuam hihang (Deut. 16:10)

"A pia khiate nam thum om hi: meisuang, a hawmsuak leh Khuai kai. Meisuang sung pan na khat na ngah nading in sek tawh na sat kul hi; a hawmsuak sung pan tui na ngah theih nading in na meekgawp kul hi; ahizong in khuaikai pen a khumnate a ma thu in hong luangkha lehi. Mi pawl khatte meisuang bangin khauh uh hi; a dangte pen a hawmsuak hi a, Mekna netcipna ah kipia uh hi; a dangte in bel gengen kullo in piakhia uh hi." (James Duff)

Eite in Pasion tungah i piak ding ahi hi.

- Phaltak in (1Chro. 29:3, 5, 9).
- kipumpiakna tawh (Luke 21:1-4).
- Lungdamtak in (2Cor. 9:7).
- Thumangtak in (2Cor. 9:13).
- Suaktatak leh lawptak in (2Cor. 9:7).
- kilawm kituak tak leh manman in (1Cor. 16:2).
- Cingtak in (2Cor. 8:2).

(iii) Seh Sawm Suah Seh Khat Piakna

Seh sawm suah seh khat piakna pen i ngahna sung pan Pasion tungah Sawm ah Khat piakna hi. Hih pen Pasion tunga piakkhatna (donation) hi lo a, eite nuntakna Amah in hong neihna phawktheihna ciang hi lehi. Seh sawm suah seh khat pen Topa' ahi (Lev. 27:30-34). Hi leitunga na khempeuh pen Topa ahi a, tuate lak ah 90% eite hong kemsak hi. Ahizong in, Ama' aa a omlai, 10% om hi (Matt. 22:21). Thuciam thak sungah Pasion neihsa-a i ngaihshut i ngahna pan-a 10% piak ding ciangbek hong hilh lo a, i piakkhatna pen kipumpiakna hi. Zeisu hong kipiak bang zui-a i piak ding ahi hi: hih pen tamman mahmah hi!

"Tampi a kipiante tung panin tampi tampi kingen kik ding hi; tampi a ki-apte tung panin a tam zaw lai kingen kik ding hi." (Luke 12:48).

Sawm ah khat pen thukham omma-a om hi. Tuate pen eite upna Pa, Abraham in A sangbel Pasion siampi Melchizedek tungah na pia hi (Gen. 14:18-20). Zeisu nungzuite ading in sawm ah khatte pen i Topa Zeisu ii siampi nasep theih theihna lampi ahi hi (Amah pen Melchizedek guizui in siampi khat hi) (Heb. 7:1-28). Sawm ah khat piak lohna pen Pasion neihsa suhna hi a, Pasion kiangpan thupha lian khat ei le ei-in a susia hihang (Mal. 3:8-12; Pro. 3:9-10).

Thuciamlui sungah sawm ah khat pen leitang nei lo in Pasion biakna leh Pasion nasepna ah a seem Levi behthe huhna in kizang hi. Tu hun in sawm ah khatte pen a diak diak in hunbit-a Pasion nasepna huhna ding, (Numbers 18:21-24). Pawlpi kalsuan theih nading, leh Topa hong lamlahna banga piak ding ahi hi.

1. **Piaktawntung letsongte ban ah** (Sawm ah khat cihte a kipan) Topa tungah suakta tak, phaltak a, i piak theih nading hunhoih leh hamphatna zong i nei hi (2Cor. 8:1-15). Hihte pen a tuam vilvel vaihawmna te, Pasion nasepna tunga a tuam vilvel

itna letsongte, aihih keileh Khazih pumpi adinga a tuam vilvel kisapnate (meigongte, tagahte cihte) aih keileh a zaizaw leitungah (kialtunna cihte) ahi hi.

"...Nipikal khat-a ni masa pen simin na sum ngah zahuh tawh kizui-in sehkhia ciat un la, na koih un." (1Cor. 16:2).

Ahizong in phawk ding khat ah.

"A cil vawh peuhmah in tawmcik at dinga phal tak-a a vawh ziah ziah peuhmah in tampi at ding hi." (2Cor. 9:6).

2. **I Hun:** Hun pen tampi omlo in kilakik theilo a hihman in manpha hi. I hun pen Pa Pasion minthanna dingin i zat ding kisam hi (1Cor. 10:31). Tua hi a, Pasion hong lamlah bangin i hunte ading tupnate i koih ding leh Pasion vangliatna sungah tuate a tangtun nading i ngim ding kisam hi.
3. **I Pumpite:** Eite in i khalam biakna bangin a siangtho leh Pasion lungkimna dingin, i pumpite a nungta kithoihna banga i piakding kisam hi (Rom. 12:1). Eite pen Khasiangtho biakinpate i hihi (1Cor. 3:16; 1Cor. 6:19-20). Tua aih man in mawhna tungah i pumpite kipia lo in, Pasion deih banga a zat dingin a pumpiak ding ahi hi (Rom. 6:13). I pumpi cidamtak-a i kep ding zong Pasion in hong deih hi (Mk. 6:31). Tua pen lunghihmawhna, an tam nekluatna leh za tepna khawng tawh i pumpi siatsak loh ding cihna hi. Ahizong in a val khong in pumpi gamtatnate bawl ding zong hilo hi (1Tim. 4:8).
4. **I Neih le lamte:** I neih i lam khempeuh Pasion in hong pia khin ahihman in, hih leitung hauhna khempeuh pen Ama minthanna ding leh Ama Gam zai nading in zang ding hihang. Zeisu in i leitung hauhnate pen ei ading leh Pasion a dinga i lawmbawl dingin hong han thawn hi (Luke 16:1-13). A phadeuh in i inn pen Pasion adinga kizang mun, zindo siamna leh huhna kipiakna mun hi ding hi.
5. **I pianpih leh Kha letsongte:** Eite in Ama na i sep nading, Khazih pumpi leh midangte gahpha tak-a i sep na dingin i letsongte Pasion in hong pia khin hi. I kha letsongte leh i pianpih kivaknate pen i kepsiam ding hi a, Ama minthan nading leh A Gam zainadinga Pasion lamlah banga i zat ding ahi hi.

d) Khaici tuh/vawhna leh A Gah Atna

Zeisu in,

"Na pia un, no zong hong kipia ding hi. No tehna dimvum tham kineng cip in, kitattat a, a dimlet in nang aa ah hong kisungsuk ding hi. Ahang in, note zat tehna tawh no aa ding hong kiteh sak ding hi." ci hi (Luke 6:38). Hih Laisiangtho taang pen mawhmaisakna thu genna tawh kizom-a hong pai hi. Ahizong in a thubulpi pen Pasion Gamsung thu ah a maanden khat hi. Upna pen Pasion kiangpan-a ngahna ciangbek hilo hi.

Thuciam Thak sungah, Ama deihna i tangtunsak nading in i kisap khempeuh hong pia ding cih i up ding thapiakna Pasion kamciam bekbek tawh kidim mah hi. Pasion in eite ading hong kholsak nahoihte ngah un cih nading in i Pa tungah a ngen thei i hihna Zeisu in tampi vei hong gen hi (Luke 11:9-13). I kisapnate Pa kiangah pai-a i nget dingin eite hong kihanthawn hi. Amah pen a tate tungah nahoihte koici piak ding cih a thei Pa hoih ahi hi. AHIZONGIN tua pen a vek hilo hi: Pasion in eite lungsim puak hong lunglut hi. Ei aituum nopsak nading leh ei lunggulhnate a tangtun nadinga Pa kianga ngetna bek hilo hi (James 4:2-3).

1. **Pasion ading Khaici tuh/vawhna:** Upna pen Pasion khaici tuh/vawhna leh a gah atna thubulpi ah kistem hi. Hih thu phawk in: A cil vawh peuhmah in tawmcik at

dinga, phaltak-a a vawh ziahziah peuhmah in tampi at ding hi" (2Cor. 9:6).

Pasian in sum phazah bek enlo in, i piak khat peuh bek enlo hi. Tua i piakkhiatna i lung tang hong en hi (Mark 12:41-44).

"Mi khempeuh in piak dinga a lungsim-a a khensatsa bangin pia uh hen. Lungsitpipi ahieh keileh piak loh phamawh cihna-in pia kei hen. A hang in, Pasian in lungtai taka plate a it hi." (2Cor. 9:7) Pasian a ding na vawh leh Pasian a ding na-at ding hi. Hih pen Ama a ding a vawhte a dinga Pasian thupha ahi hi.

2. **Piansakna leh Piansak thakna Thu bulpite:** Pasian in hih thu bulpi pen nate pianzia ngeina ah lam hi. Lokho kuamah in a an sal ah tu mawkmawk in a anci/khaicite en lo ding hi. Tu in ama neihsa khaicite et mawkmawkna in bangmah phattuumna ngahsak lo ding hi. A sep ding a kisam pen a lozau ah pai-in lo a kaih ding ahi hi. Tua ciangin ama hun in khaici vawh ding hi. Khai a vawhkhith ciangin an hau pa dingin kilamen thei pan ding hi. Hih bang dan in Pasian in na sem tawntung hi. Hih pen mah Calvary singlamteh-a thubulpi laigil hi. Zeisu in hih thu thei in hi ci gen hi:-

"Mihing Tapa a kiminthansak hun a tung zo hi. Thutak kong gen in ah, mangbuh tang khat lei lak ah kia a, a sih phot keileh a tang khat guak mah a om niloh hi. Ahieh hangin a sih leh tang tampi a suang hi." (Jn. 12:23-24).

3. **Pasian Punsakna Nasep geelnate:** Upna mite in Pasian ading khaici vawh uh hi. Pasian in sum le pai hun, thatang, aieh keh nuntakna mahmah vawh dingin a gen leh sem pah uh hi. Pa in a zah zakhat tawh thukkik ding cih a kamciam um uh hi (Matt.19:29). A hizongin hih pen amaute lungphut hi lo hi. Amaute vei pen Pasian Gam ading ahi hi. Amaute pen Pasian gam ading in haunuam uh hi.

"Pasian gam leh Ama dikna zong masa un. Tua hi leh tua nate khempeuh hong kipiak thuah ding hi."

"Ama minthanna leh a hoihna tawh hong sam pa, Amah i theihna tungtawn in nuntak nading leh i Pasian in theih nading a kisam khempeuh ama Pasiam vangliatna in hong pia zo hi" (2 Pet. 1:3).

4. **Pasian tawh Mawh beimang cih omlo hi:** Ama upna hanga thahna thuak Ecuador a missionary a sem, Jim Elliott in hi ci gelh hi.

"A tan theih loh khat ngahna dinga a kep theih loh khat a piakhia, mihai khat zong omlo hi."

Pasian in Ama khaici mawkbeisak ngeilo a, Ama adinga a kivawhsa khempeuh tungah ahi thei bangbang in a hoihpen tawh thukkik dingin kamciam pia hi. Zeisu in hici gen hi,

"Ama nuntakna a honkhia nuamte in taan dinga, ahieh hang in kei hanga ama nuntakna a mangsakte in, nuntakna ngah ding hi." (Matt. 16:25).

5. **Nuntakna Ading Zang pah in:** Satan in vantung van hamphatnate hong sut hi. Ei le ei bulphuhna ei le ei kiheh pihna leh huaihamnate tawh Pasian misiangthote zawngkhalsak hi. Pawlpi pen upna nasep theihnate a khahkhia ding hih leitunga a lianbel vangliatna phualpi ahieh ding kilawm hi. Tua sangsik in hih leitung metbawlina sumte leh sum le pai lungsim puakte tawh leitung lampi nungzuih ding teel hi. Pasian in upna lampi a zuite bek thupha a pia thei ahiehman in leitung thupha a piak loh pen lamdang lo hi.

Pasian in a kivawhsa khaici tawh kibang in thuphate tawh zong hong khuhkik zelzel a, ahizong in a tawmzaw in piakik ngeilo hi. Zeisu in, ngahna sangin piakna ah

thupha om zaw hi ci-in gen hi (Acts 20:35). A taktak in i piakkhiat kik theih nading in bel i ngah ding kism hi.

"Khaici vawhpa tungah khaici pia-a, a an ding anlum a piapa in, na sal ah antang khangsak in note diktakna gah na khopte uh zong a tamsak semsem ding hi. Note, hun khempeuh ah na cihtheih nading un hauhna namcin in hong kihausak ding a, tua ciangin kote tungtawn in na citna uh Pasion tungah lungdam lahna tawh a kilang khia ding hi." (2Cor. 9:10-11)

e) Dotnate kikupkhopnate

1. Kisapna khat na neih teh leitung mite tungah nang hong huh dingin na zong hiam? Aih keileh a tawntunga hong huh den vantung lam-ah na zong hiam? kisapna khat na neih teh kua tungah gen na hiam?
2. Pasion in i piakkhiatnate hong thukkik tawntung hiam? (Luke 6:38; 2Cor. 9:6).
3. "Kei tunga a hoihna khempeuh hangin Topa tungah bang piakik thei ding ka hi hiam?" (Psa. 116:12). Kamkum in.
4. Nuam sa in i hauh teh Zeisu nungzui khat hihna tawh bang sem ding i hiam? (1Tim. 6:17-19).
5. Hauhna in bang lauhuaaina nei hiam? (Matt. 6:21, 24; Mark 4:19).
6. I zawn ciangin i lametna bang hiam? (James 2:5)
7. Bang bang dinmun hi ta leh i lungsim puak bang hi leh kilawm hiam? (Phil 4:11-13).
8. Neihsa kepsiamna ading thaman pawlkhat bangte hiam? (Luke 16:10-12; Matt. 25:20-23; 31-40)
9. Matt. 13:1-23 sim in la, tua Laisiangtho tangte khaici vawh na leh a gah atna tawh kisai-in kikum khawm in.
10. Bang lampite tawh Pasion ading khaici vawh in bang lampite tawh a gah at khin zo na hiam cih kamkum in.

f) Tomlakna leh zatpahna

1. Zeisu nungzuite i hihna tawh Ama neihsate a kemte bangin Pasion vante hong kipap khin hi.
2. I sum le pai te, hun, i pumpi te, neih leh lamte leh letsong (gifts)te tawh neihsa kemsiam hoihte i hih ding kism hi.
3. Zeisu nungzuite i hihna tawh sawm ah khatte i piak ding leh tua sawm ah khatte ban-ah eite piaknate Pasion tungah i piak ding ahi hi. I neih khempeuh pen Topa a hi.
4. Zeisu pen i Topa a hih taktak leh ama thumanga i nuntak ding ahi hi. Tua pen piakhia dinga hong sawl teh piak dinga hong sawl zah piak ding cihna hi. Ama hauhna minthan na dung zui-in eite kisapna hong pia ding hi cih thei kawmsa in i Topa leh i Honpa thumang-in i nuntak leh lungdam takin kipia khia thei hi (Phil 4:19). Tua bek hi lo in i lung tang sunga lunggulhna tawh i piakkhiat ding Amah lungkim hi (Psa. 37:3-4).
5. Pasion tunga tampia lua theilo hihang! Pasion in a tate mun khempeuh ah a ci thei dingin hong deih a, tua ah sum le pai vai zong kihel hi. Ahizong in a gah i at theih nading in khaici vawh ding hihang. Topa nasep pen upna tawh metbawl ngamna hi a, tua tawh kituak in thaman ki-at kik ding hi.